

## Uniun per la Litteratura Rumantscha

### Rapport da l'onn 2019

En il decurs da l'onn 2019 ha l' *Uniun per la Litteratura Rumantscha (ULR)* organisà e realisà insaquantas atgnas activitads u sco partenaria cun autras instituziuns.

#### Atelier da scriver

Ils 8 e 9 da zercladur 2019 ha già lieu a Casti in atelier da scriver sut il tema *Exercices de style*. 13 persunas èn sa participadas. Referent principal era l'autur ladin Dumenic Andry cun sia ovra *sablun*. Benedetto Vigne ha inspirà ils participants e las participantas da scriver lur agens texts en differents stils. Ina schelta dals texts è vegnida publitgada en la *Litteratura 38*. Il dumber d' inscripziuns ed il resun cumprovan in vast interess per la purschida d'ateliers da scriver.

#### Punct dubel

Il sulet *punct dubel* da l'onn 2019, en collavuraziun cun la Chasa Editura Rumantscha, ha già lieu ils 16 d'avust a Zuoz sin tribuna gronda a chaschun dal giubileum 100 Lia Rumantscha. L' autura surmirana Dominique Dosch ed igl autur sursilvan Leo Tuor han prelegì divers texts e discurrì davart il scriver. L'occorrenza è vegnida moderada dad Anita Capaul. La finamira da dus inscuters *punct dubel* n'è betg vegnida cuntanschida. La suprastanza da l'ULR è stada dal avis ch'in'ulteriura purschida fiss memia bler suenter il grond festival a Zuoz.

#### Litteratura 38

La *Litteratura 38* è cumparida e vegnida preschentada als *Dis da litteratura* a Domat ils 2 da november 2019. Deditgada è questa ediziun a la mar. Reflexiuns davart la correlaziun tranter l'uman muntagnard e sia relaziun cun la mar, excurs davart monsters marins u era poesias e texts curts inspirads da e deditgads a la mar. Sper il tema principal cuntegna la *Litteratura 38* ulteriurs texts sco quels dal Premi Term Bel 2018 ed era recensius da divers cudeschs rumantschs cumparids en il decurs da l'onn. La revista è illustrada cun maletgs da Sarah Clavadetscher.

#### 29avels Dis da litteratura

Da venderdi enfin dumengia dals 2-4 da november han var 400 persunas visità ils Dis da litteratura a Domat. Ils Dis da litteratura sut il tema *(a)mar* han cumenzà per l'emprima giada extra muros a Cuira en il *Kabinett der Visionäre*.

In dals puncts culminants è stà il concert/la prelecziun da sonda saira *Dal mariner chi mai nu va*, ina collascha da songs e texts maritims. Musica: Corin Curschellas e las Rodas (Patricia Draeger, Barbara Gisler) feat. Tumasch & Andi Schnoz. Prelecziun: Benedetto Vigne, schelta da texts: Renzo Caduff.

### Communicaziun ed infurmaziun

L' ULR ha tramess 7 brevs da novas – al ritmus da dus mais - a radund 200 abunnts ed abunntas. Insaquantas novitads litteraras èn vegnidas publitgadas e partidas sin Facebook.

Vinavant avain nus actualisà nossa homepage. Ina sfida è stà l' actualisaziun dalla banca d'adresses per las spartas commembranza, newsletter ed abunament Litteratura. Entant avain nus actualisà quella.

### Ulteriuras purschidas

A chaschun da la radunanza generala ils 4 da matg 2019 a Cuira avain nus invità a Rico Valär per tegnair in referat davart Aluis Carigiet. Circa 25 persunas èn stadas preschentas a quest suentermezdi avert al public.

Plinavant ha l' ULR dà sustegns per prelecziuns e sustegns per lectorats.

### Suprastanza 2019-2020

A chaschun da la radunanza generala 2019 hai dà duas midadas en la suprastanza da l' ULR:

Manuela Balett è vegnida elegida sco presidenta. Ella succeda a Viola Cadruvi. Annatina Nay è vegnida elegida nov en la suprastanza. Vegnids affirmads en suprastanza èn Benedetto Vigne, Walter Rosselli e Flavia Hobi.

Per l' Uniun per la litteratura rumantscha, ils 12 da favrer 2020

Manuela Balett, presidenta ULR

